

# Uunga missingiut

Peqqussut nr. \*\*\*

## Illersornissaqarfiup sulisui pillugit inatsisip allangorneranut inatsisit aalajangersimasut Kalaallit Nunaannut atuutilernissaannut peqqussut

UAGUT MARGRETHE AAPPAAT, Guutip Saammaassineratigut Danmarkip Dronningia, nalunaarpugut:

Illersornissaqarfiup sulisui pillugit inatsimmik allannguneq nr. 1539 decembarip 18-ianni 2018-imeersumi § 3<sup>1</sup> aamma illersornissaqarfiup sulisui pillugit inatsimmik allannguneq nr. 328 marsip 30-anni 2019-imeersumi § 3<sup>2</sup> naapertorlugit aalajangersarneqarput:

### § 1

Illersornissaqarfiup sulisui pillugit inatsimmi, tak. inatsimmut nalunaarut nr. 81 februaarip 12-anni 2004-meersoq, inatsit nr. 489 juunip 7-ianni 2006-imeersumi § 1-ikkut allangortinneqartoq, makkua allangortinneqarput:

**1. § 4-mi imm. 1-imi, imm. 2-anni,** »qaammatit 12-it« allanngussaaq imaalillugu: »qaammatit 24-t«.

**2. § 7-imi, imm. 2-mi,** »ukiut 3-t« allanngussaaq imaalillugu: »ukiut 5-t«, aamma »piffissami killilikkami ukiuni 3-ni« allanngussaaq imaalillugu: »piffissami killilikkami ukiuni 5-ni«.

**3. § 7-mi imm. 2-attut** ikkunneqassaaq:

»Imm. 2. Illersornissami tamarmiusumi sulinissamut imm. 1 naapertorlugu pisussaaffik sakkutuujusussaataasunut angerlartinneqarsimasunut aamma arnanut sakkutuujusussaannermut assingusumik atugalinnut angerlartinneqarsimasunut atuutinngilaq, upalungaarsimanermi piareersimasutut toqqarneqartunut aamma tassani sulissallutik pisussaaffeqartunut, tak. § 8.«

**4. § 7-ip kingornagut** ikkunneqassaaq:

»§ 8. Sakkutuujusussaasut angerlartinneqarsimasut aamma arnat sakkutuujusussaannermut assingusumik atugallit angerlartinneqarsimasut, upalungaarsimanermi piareersimasutut toqqarneqarsimasut, tassani sulissallutik pisussaaffeqarput, tak. § 9, imm. 1. Tamarmiusumit sulinermi peqataanermiit siullermiit angerlartitaanerup ulluaninngaanniit ukiut 5-t qaangiunneranni pisussaaffik naassaaq, imaassimangippat ukiut 5-t killilikkat naanerani pineqartoq upalungaarsimasunut peqataasutut ilaatinneqartoq. Taaneqartumi kingullermi ilaatinneqarnerup naanerani

---

<sup>1</sup> Aalajangersagaq imatut oqaasertaqarpoq: »Inatsit Savalimmiunut Kalaallit Nunaannullu atuutinngilaq, kunngilli peqqussutaatigut tamakkiisumik ilaannakortumilluunniit Savalimmiunut Kalaallit Nunaannullu atuutsinneqalersinnaalluni, Savalimmiuni Kalaallit Nunaannilu pissutsinut naapertuuttumik.«

<sup>2</sup> Aalajangersagaq imatut oqaasertaqarpoq: »Inatsit Savalimmiunut Kalaallit Nunaannullu atuutinngilaq, kunngilli peqqussutaatigut tamakkiisumik ilaannakortumilluunniit Savalimmiunut Kalaallit Nunaannullu atuutsinneqalersinnaalluni, Savalimmiuni immikkut pissutsinut aammalu Kalaallit Nunaanni immikkut pissutsinut naapertuuttumik.«

<sup>1</sup> "Aalajangersagaq imatut oqaasertaqarpoq: "Inatsit Savalimmiunut Kalaallit Nunaannullu atuutinngilaq, kunngilli peqqussutaatigut tamakkiisumik ilaannakortumilluunniit Savalimmiunut Kalaallit Nunaannullu atuutsinneqalersinnaalluni, Savalimmiuni Kalaallit Nunaannilu pissutsinut naapertuuttumik."

<sup>2</sup> "Aalajangersagaq imatut oqaasertaqarpoq: "Inatsit Savalimmiunut Kalaallit Nunaannullu atuutinngilaq, kunngilli peqqussutaatigut tamakkiisumik ilaannakortumilluunniit Savalimmiunut Kalaallit Nunaannullu atuutsinneqalersinnaalluni, Savalimmiuni immikkut pissutsinut aammalu Kalaallit Nunaanni immikkut pissutsinut naapertuuttumik."

pisussaaffik naassaaq. Illersornissamut ministerip upalungaarsimasutut sulinissamik pisussaaffik pillugu malittarisassat erseqqarinnerusut aalajangersarsinnaavai.«

**5. § 9, imm. 1-imi »§ 7«** allanngussaaq imaalillugu: »§§ 7 aamma 8«.

**6. § 9-mi** imm. 3-p kingornagut nutaatut ikkunneqassaaq:

»Imm. 4. Sakkutuutut sulisut, siornatigut Illersornissamut ministereqarfiup iluani sivikinnerpaamik ukiumi ataatsimi atorfeqarsimasut, pisussaassutsini imm. 1-mi taaneqartuni, pineqartut soraarnerussutisiaqalernissaasa tungaanut sulissallutik pisussaapput, tak. soraarnerussutisiaqartarneq pillugu inatsit § 1 a. Sulinerup katillugit qaammatit 36-t qaangersinnaanngilai. Sulisuusimasunulli allatigut illersornissaqarfimmi sulinissamut pisussaasunut pisussaaffik atuutinngilaq. «

Imm. 4. matuma kingorna imm. 5-inngussaaq.

**7. § 9-mi, imm. 4,** imm. 5-inngortumi, »Sulisut,« kingornagut ikkunneqassaaq: »tamatumunnga ilanngullugit siornatigut sulisuusimasut, tak. imm. 4,«.

**8. § 9-mi imm. 6-itut** ikkunneqassaaq:

»Imm. 6. Illersornissamut ministerip inuit imm. 1-4-mi pineqartunut malittarisassat aalajangersarsinnaavai, taakkua pineqartut aamma illersornissaqarfiup avataatigut suliaqarfimmi inuiaqatigiinnut pingaaruteqartuni suliaqartut imaluunniit suliaqartussat, illersornissaqarfimmi sulinissamik pisussaaffeqarunnaarnissaat.«

**9. § 11 b-mi imm. 4-tut** ikkunneqassaaq:

»Imm. 4. Sulisunut aggustip 14-ianni 1996-imi kingornatigulluunniit aallartitatut sulinerminni toqukkut qimagussimasunut imaluunniit ataavartumik ajoqusersimasunut, imm. 1 malillugu akileraarutaasussat ilassutaannik ataavartunik pissarsitinneqarsinnaanerak pissaaq siusinnerpaamik aggustip 14-ianni 1996-imi atuutilersumik. Sulisunut aggustip 14-ianni 1996-imi sioqqulluguluunniit aallartitatut sulinerminni toqukkut qimagussimasunut imaluunniit ataavartumik ajoqusersimasunut, akileraarutaasussanut ilassutaasumik ataavartumik pissarsitinneqarsinnaapput imm. 1 malillugu, januaarip 1-anni 2018-imi siusinnerpaamik atuuttussamik.«

**10. § 11 c-mi imm. 2-tut** ikkutissaaq:

»Imm. 2. Imm. 1 malillugu taartisiaq tunniunneqarsinnaavoq piffissami kililikkami, ajoqusernerup pineraniit, aamma ajoqusernerup annertussusiata aalajangernerak tikillugu.«

## § 2

*Imm. 1.* Peqqussut atuutilissaaq ulloq [**Ullua allaguk**].

*Imm. 2.* § 1, nr. 1 aamma 2, sakkutuujusussaasunut aamma arnanut sakkutuujusussaasunut assingusumik atugalinnut atuupput, aggustip 1-anni 2018-imi taassumaluunniit kingornatigut sulilersunut. Taamaattoq malittarisassat maannamut atuuttut atuukkallassapput sakkutuujusussaasunut aamma arnanut sakkutuujusussaasunut assingusumik atugalinnut, piffissami killilikkami aggustip 1-anni 2018-imiit juulip 1-nut 2019-imut sulilersunut, imaassimappat sakkutuujusussaataasup arnalluunniit sakkutuujusussaataasunut assingusumik atugallip tamanna noqqaassutigigaa.

*Imm. 3.* § 1, nr. 6 sakkutuutut sulisunut, inatsisip atuutilerneraniit atorfinittunut, aamma sakkutuutut sulisunut juulip 1-ani 2019-imi atorfeqartunut atuutissaaq. Taamaattoq sakkutuutut sulisut juulip 1-anni 2019-imi atorfeqartut noqqaassuteqarnertik malillugu atorfeqareernerup kingorna sulinissaminnut pisussaataajaajunnaarsinnaapput.

*Atuutilersoq xx, ulloq yy*

Kunngisut Atsiornitsigut Naqissusiinitsigullu

MARGRETHE R.

/ Trine Bramsen

<sup>1</sup> "Aalajangersagaq imatut oqaasertaqarpoq: "Inatsit Savalimmiunut Kalaallit Nunaannullu atuutinngilaq, kunngilli peqqussutaatigut tamakkiisumik ilaannakortumilluunniit Savalimmiunut Kalaallit Nunaannullu atuutsinneqalersinnaalluni, Savalimmiuni Kalaallit Nunaannilu pissutsinut naapertuuttumik."

<sup>2</sup> "Aalajangersagaq imatut oqaasertaqarpoq: "Inatsit Savalimmiunut Kalaallit Nunaannullu atuutinngilaq, kunngilli peqqussutaatigut tamakkiisumik ilaannakortumilluunniit Savalimmiunut Kalaallit Nunaannullu atuutsinneqalersinnaalluni, Savalimmiuni immikkut pissutsinut aammalu Kalaallit Nunaanni immikkut pissutsinut naapertuuttumik."